



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

02 03

2023թ.

No 123.1/13102-2023

ԾԱՆՈՒՑԱԳԻՐ

«ԲԱԶՄԱԿԱՆ» ՍՊԸ-Ի ՏՆՕՐԵՆ
ՏԻԳՐԱՆ ԳՐԻՇԱՅԻ ԲԱԴԱՍՅԱՆԻՆ
/հասցե՝ ԼՂՀ, գ.Խանձաձոր/

Հարգելի պարոն Բադասյան

Հայտնում եմ, որ Ձեր նկատմամբ Մաքսային կարգավորման մասին ՀՀ օրենքի 304-րդ հոդվածի հատկանիշներով սկսված մաքսային կանոնների խախտման վերաբերյալ վարույթին մասնակցելու համար Դուք 2023 թվականի մարտի 23-ին, ժամը 14:30-ին, հրավիրվում եք Սիսիան-Երևան մայրուղու 7-րդ կմ հասցեով, 1-ին աշխատասենյակ (հեռ. 060-84-98-01/9812/) Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբան Լիլիթ Ղահրամանյանի մոտ (անհրաժեշտ է ներկայանալ անձնագրով կամ անձը հաստատող այլ փաստաթղթով):

Մաքսային կանոնների խախտման վերաբերյալ գործի քննության մասնակցելու համար Դուք հրավիրվում եք Հայաստանի Հանրապետության պետական եկամուտների կոմիտեի Հարավային մաքսատուն-վարչություն (գործի քննությունը կանցկացնի Հարավային մաքսատուն-վարչության պետ Արտաշես Ղամբարյանը) 2023 թվականի մարտի 31-ին, ժամը 17:00-ին, Սիսիան-Երևան մայրուղու 7-րդ կմ հասցեով, 2-րդ աշխատասենյակ (անհրաժեշտ է ներկայանալ անձնագրով կամ անձը հաստատող այլ փաստաթղթով):

Պարզաբանում եմ, որ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածի համաձայն՝ վարչական պատասխանատվության ենթարկվող անձը իրավունք ունի ծանոթանալու գործի նյութերին,



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am էլ. փոստ՝ secretariat@petekamutner.am

բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Մաքսային կարգավորման մասին ՀՀ օրենքի 336-րդ հոդվածի՝ մաքսային կանոնների խախտման համար պատասխանատվության ենթարկվող անձն իր նկատմամբ վարույթ սկսվելու պահից ունի Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված իրավունքները, ինչպես նաև իրավունք ունի վարույթն իրականացնող մարմնից ստանալու վարույթի ընթացքում իր իրավունքների մասին պարզաբանումներ, առարկելու վարույթն իրականացնող մարմնի գործողությունների դեմ և պահանջելու իր առարկությունները ներառել արձանագրության մեջ, հայտնելու բացարկներ, ծանոթանալու այն նիստերի արձանագրություններին, որոնց նա մասնակցել կամ ներկա է եղել, դիտողություններ ներկայացնելու արձանագրությունում գրառումների ճշտության և ամբողջականության առնչությամբ, պահանջելու արձանագրության մեջ գրառումներ կատարել այն հանգամանքների մասին, որոնք, իր կարծիքով, պետք է նշվեն:

Մաքսային ոլորտում իրավախախտման համար պատասխանատվության ենթարկվող անձը պարտավոր է կատարել վարույթն իրականացնող պաշտոնատար անձի օրինական պահանջները, չխոչընդոտել վարույթի իրականացումը:

Մաքսային կարգավորման մասին ՀՀ օրենքի 332-րդ հոդվածի համաձայն՝ մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:



Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

ՀԱՐԳԱՆՔՈՎ՝

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

3/2/2023

X



ԱՐՏԱՇԵՍ ՂԱՄԲԱՐՅԱՆ

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ...

Signed by: GHAMBARYAN ARTASHES 2103860322

ԱՐՏԱՇԵՍ ՂԱՄԲԱՐՅԱՆ

Կատարող՝

Լիլիթ Ղահրամանյան

Հարավային մաքսատուն-վարչություն

Հեռախոս՝ 060-84-98-01 /9812/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am